



Dypt. 424

ay
2





IN
NOMINE
DOMINI
AMEN



LORIOSA
STVDIORVM
MATER ET
VIRTVTVM
ALTRIX VRBS ROMA,

quæ inter omnes mundi Ciuitates celeberrima scientiarum
omnium studio decorata exiſtit, atque singularibus

privilegijs Pontificijs, & Imperialibus sublimata, cuius
etiam in toto terrarum Orbe veneranda, famosissima,
et antiquissima clarissimorum virorum undecunque
confluentium auctoritas fidereis velut splendoribus
illustrata obtinet principatum illos dumtaxat ad publi-
cam et eminentem cathedram, supremique Doctoratus
splendidissimam dignitatem sublimare, erigere, et extolle-
re consuevit, quos longo exercitio, laboribus, summis vi-
gilijs, omni denique conatu spretis, & posthabitis huius-
mundi delitijs sese doctrinae penitus dantes ipsam divi-
nam Sacrae Theologiae scientiam adeptos maximis laudi-
bus & verissimis testimonijs accurate reperit probatis-
simos & quos praesertim subtilis examinis certamen di-
gnos tam sublimi gradu ostenderit virtutum copia, meri-
torumque excellentia concurrente, ut si aliquando aliqui,
tanquam ex quopiam Seminario DEO vocante ad

populorum gubernationem eligantur Ecclesiarum sibi com-
missarum curam et regimen digne et sapienter exerceant, po-
pulosque christianos doctrina caelesti enutriant, atque in officio
& Catholica Religione contineant, atque conseruent.
Quare cum haec omnia intelligeret Illustris et admodum
Reuerendus Dñs GREGORIUS
MODLINSKI Polonus qui prius multos
per annos haud segnem operam Sacrae Theologiae studio na-
uavit, atque diuinæ Philosophiae scientijs sollicitam ac stu-
diosam operam impendit, cuperetque propterea ad Doctorat-
gradum in Sacra Theologia, & Philosophiae facultate promo-
ueri per admodum Reuer. Pre. Magistrum F. Paulum
Ciera Venetum Ordinis Sancti Augustini Lectorem
publicum Sacrae Scripturae in sapientia, & admodum
Reuer. Pre. Magrum Fr. Hippolytum Bazzani
Procuratorem generalem Ordinis Seruorum dicti Dñi

GREGORII Promotores Reuerendissimo in Chri-
sto Patri Fratri Vincentio de Florentiola Ordinis Pre-
dicatorum Sacri Palatii Apostolici Magistro Iudici-
ordinario a Sanctissimo D.N.D. VRBANO Papa
Octauo vigore litterarum in forma Breuis sub annulo
Piscatoris, & Dat. Romae apud Sanctam Mariam
Maiorem die vltima Iunii MDCXXXIX.
Pontificatus sui anno decimosexto, expeditarum depu-
tato, idem Illustris & admodum Reuerendus Dominus
GREGORIUS legitime fuit presentatus examinatus,
et approbandus in Sacra Theologia, et Philosophia,
& ob hoc in presentia plurium clarissimorum virorum
se subiecit arduo, rigorosoque examini infrascriptorum
Reuerendissimi Patris Magistri Fratris Thadaei
Altini Ordinis Erem. Sancti Augustini Apostolici
Sacrarum Praefecti, et admodum Reuerendi Patris Magistri

Fratri Aegidii Censorini Procuratoris generalis Ordinis
Sancti Augustini; in quo sane examine dictus D.
GREGORIUS MODLINSKI puncta, seu
conclusiones sibi assignatas miro, atque pulcherrimo
ordine, summaque doctrina legit, et recitavit diuidendo,
distinctiones adhibendo, contraria adducendo, dubitationes
ponendo illasque soluendo, pro et contra arguendo, argu-
mentiisque eorumdem Doctorum de Collegio
acutè, subtiliter, ac magistrali more respondendo; denique
adeo doctè, eleganter, ac benè se gessit, ut fuerit ab
omnibus dicti Collegii Sacrae Theologiae Doctoribus in
Sacra Theologia, & Philosophia idoneus intelligens,
et peritus habitus tentus, & eximius; et ob id in
Sacra Theologia, & Philosophia concorditer, pari voto,
cunctis suffragiis, ac nemine penitus, penitus,
penitusque discrepante Doctoratu dignus fuerit.

approbatus; in super habita prius debita informatione
de illius Religione; Et Fide Catholica, ac precedente
eiusdem **D. GREGORII** Fidei Catholicae pro-
fessione; ac iuramento super sanctis **DEI** Euange-
lijs in manibus predicti Reuerendissimi Sacri Palatii
Magistri Et Iudicis ordinarij praestito idem Reueren-
dissimus **D. n. s. Sacri Palatii Apostolici Magister**
consideratis scientia, moribus Et virtute, quibus eundem
D. n. m. GREGORIUM Altissimus illustrauit prout
in dicto suo examine mirifice demonstraue auctoritate
apostolica, et sui officij quo fungitur eundem **Domini**
GREGORIUM MODLINSKI benemeritum,
dignum, sufficientem, Et idoneum habitum in Sacra-
Theologia **Doctorem, Et Magistrum**
fecit creauit, Et solemniter ordinauit; itaut in futuro
omnibus Et singulis priuilegijs, indultis, immunitatib.

exemptionibus, libertatibus, gratijs, fauoribus dignitatibus,
prerogatiuis, Et preeminentijs, quibus alij huius et quadru-
cumque **Vniuersitatum** totius orbis in Sacra Theologia,
Et Philosophia **Doctores Et Magistri** de iure, vel consue-
tudine; aut alias quomodolibet vtuntur, potiuntur et gau-
dent ipse quoque **Illustis, Et admodum Reuerendus D.**
GREGORIUS MODLINSKI Theologiae Et Phi-
losophiae **Doctor** creatus vti, potiri et gaudere possit Et
debeat, dans insuper et concedens sibi licentiam, liberamq;
facultatem Et auctoritatem legendi, docendi, glossandi,
interpretandi, ac magistralem cathedram ascendendi,
similiter alios omnes et singulos actus doctores publi-
ce et priuatim exercendi pro eius libito voluntatis. His
sic peractis praefatus **D. n. s. GREGORIUS**
considerans quod ad perfectionem cuiuslibet humani
actus finis congruus appetendus est, per quem appareat

principium, & medium apte precessisse ab admodum
Reuerendo Patre Magistro Fratre Paulo Ciera mo
ex dictis Promotoribus per Reuerendissimum Patre
Dominum Sacri Palatii Apostolici Magistrum pre-
dictum ad Doctoratus insignia conferendum electo
et deputato solita huiusmodi Doctoratus insignia
sibi dari, & concedi humiliter postulauit. Quamobrem
predictus admodum Reuerendus Pater Magister
Frater Paulus Ciera petitioni eius honeste annuens
libros Sacre Theologie & Philosophie clausos,
et mox apertos in eius manibus tradidit, digitum
annularem annulo subarauit, imposuitque capiti
eius biretum pro corona, ac ipsum demum in cathe-
dra doctorali collocauit, ut intelligeret se inter Sac-
re Theologie & Philosophie Doctores fuisse receptum,
prout ad osculum fraternum receptus fuit ad laudem,

& gloriam DEI Omnipotentis. In quorum omnium
& singulorum premissorum fidem, & testimonium
presens Doctoratus instrumentum manu infrascripti
Reuerendissimi Sacri Palatii Magistri subscriptum
et Collegii predicti sigilli soliti appensione roboratum,
ego Notarius & Secretarius infrascriptus ad hec
specialiter deputatus de mandato subscripsi, et publi-
caui; Acta fuerunt hec Romae in ipsius Alme Ur-
bis Gymnasio Romana Sapientia nuncupato in
Regione Sancti EVSTACHII sub anno a
Natiuitate Domini nostri IESU CHRISTI
Millesimo sexcentesimo quadragesimo primo Indicti-
one nona die vero quinta Mensis Februarij Ponti-
ficatus autem prelibati Sanctissimi Domini nostri
Dni VRBANI diuina prouidentia PAPAE
Octauo anno decimo octauo. Presentibus ibidem.

Illustri D^{no} Casimiro Waxman Canonico Varmien^{si}
Ill^{ri} D^{no} Petro R^uzuckoski, et Ill^{ri} D^{no} Damiano
et Petro Kretkouski Nobilibus Polonis, et Ill^{ri} D^{no}
Blanchino de Blanchinis Brixien^{si} testibus ad p^{re}missa
omnia vocatis, atque rogatis.

Et Vini a florentia ad. p^{re}dict.

Sacri Palatii Officiarius magni.

Et ego Octavius Biscionus Romanus notus
pub^{li}ca^{ri} p^{re}dicti Sacri Collegij Leg^{atus} Patrum
Theolog^{orum}. Adm^{inistratio} Vobis Asse^{ss}oribus p^{re}dictis
leg^{atus} quia p^{re}missis omni^{bus} int^{er}locu^{ti}oⁿibus
generentur, ea^{que} rogatus in nota sumpsit.
Vide p^{re}dicti Doctoratus p^{re}missis subscri-
psi et publicavi me^o solito signo si-
gnaculi in fide^m omni^{um} et p^{re}dictorum
rogatus et requisitus.









